

則無為散則彌天神仙同居結友眾真惠流
一切興國愛民普濟羣生人同劫年
八願風雨流灑無窮普加施泄受其發揚萬
物滋生國儲民豐

九願五嶽各安其方巍巍包藏長為仙宮安
鎮國祚保天無終護度一切莫不仰宗

十願江海蕩蕩無極含容恢廓無細不殖淵
澳柔惠潤加喘息天人獲慶年同劫石

十一願帝王國主日昌四海安穆兵革不揚
天人歌唱吉應來祥敷教濟濟威化洋洋兆

庶稱慶長樂未央

十二願蝗飛蠕動已生未生成蒙安全善得
生成皆見元氣受陽之形草木果林經冬不
零一切濟度靡不鮮榮右出靈寶具
文要解經

回向誦

向來禮懺功德轉經作轉念功
德隨宜改換上資家國下
及存亡同賴齋功轉經作
勝因成無上道

小啓謝過竅每日登齋出壇於
主叩前客祝之
臣等今奉為某官某乙登齋升壇行道切恐
進止犯科不合儀格為四司所糾五帝所

千愆萬罪乞垂赦免使功德成就啓奏感通
即仰荷玄中大法師三官五帝罔極之恩

平三禮

无上黃籙大齋立成儀卷之三十四



正一天師清微弟子 洪百堅 製作

无上黃籙大齋立成儀卷之三十五 白五

三洞法師中靖先生留用光傳授
太上執法仙士壽叔與撰集

齋法修用門

釋言功拜表

杜廣成先生曰表文以黃素五尺朱界朱書
每行二十四字生字不在下死字不在上第
一行盡書法位至頌首字上言獨占一行太
上無極大道居第二行表後以間去臣姓三
行聖號去臣姓三行年月去聖號三行一如
章法不得塗改注乙誣責尤重謹之讀表時
取表於香上熏之即讀法位起再拜訖復長
跪和聲正炁讀之至弟子名皆令再拜至誠
惺誠恐處起再拜至年月日時某處拜上又
再拜都畢展於玉案上證對御前以龍頭書
刀鎮聖號之左朱筆鎮右訖次三捻上香長
跪叩齒三通遣表勅表畢法師於案後臨目
向天門曲身中存三五吏兵及三元將軍功
曹騎乘羅列前後身乘翠羽車龍馭在紫炁
中冉冉而升上詣三天門下先謁三天法師

入玄都官門之左呈表訖已捧表函徑入三天門齋章呈表等從事一十二人表候上省覽畢即出三天門御車與騎乘而迴所經歷天官道路次第一如三五拜章訣次叩齒十二通內官畢再叩齒三通咽液三過存三五上章官吏各復身中再拜次卷表於詞文之前內函中封印訖并具文通於小樓上同案捧之監齋押之禮節前引弟子隨之至天門上焚之法師於本位向天門存真官捧真文表等隨香烟朱焰上升天門

右言功表亦謂之言功章表同法皆本正一古者錄生祭酒領尸化民進拜章書止是依法標露存思遺官齋呈以俟玄報所以本科遺章云若有誤誤則長毫利筆隨試正定等語楊傑傳金錄却以己見刪去此三十八字標伏既畢章書止留治蓋是未究古法也
中至三元日依斷章法方一併焚去至元後所拜章書至中元日斷中元蓋古者法錄後所拜章書至下元日斷全備傳授有宗三五吏兵呼吸相應不專委心於文書也杜廣成納官後方收表入函焚於天門上蓋是古法復世傳授失真

自度非憑文翰莫期感通故於遣官後即卷表入函法師依法存伏隨即焚煉蓋少變古法矣至趙道昇則又自以闡後令法師從後讀至前仍以至三製聖號蓋天一法也靈寶五鍊生尸經有黃緯章法乃是表式建齋之初必出官啟事事畢拜表與之言功令其隨表上詣玄都列受功賞初未嘗再出官也楊傑故旨刪修科文却於散壇三禮後重稱法位再出官而後拜表自後相沿不革蓋是不曾深考經文非古法也

釋約官
眾官長跪法師叩齒十二通約官畢再叩齒三通咽液三過存三五官吏各復身中
釋約職
各依位相次於三寶前禮一拜長跪受簡於高功訖起三禮退就西立並訖高功三拜行就本位
釋實簡
先三炷香執山簡文叩齒九過讀之香熏三

過乃讀讀訖眾官再拜令弟子執簡橫於香烟上法師叩齒九通面東咒之呪時眾官隨聲言之畢眾官再拜簡文并咒金龍驛傳四字皆三度言之呪訖封題如法水土二簡一同

還戒頌

天尊大慈悲 說戒度眾生 威德被幽顯 果報感神靈 諸天來稽首 羣魔自束形 過去超八難 見在保千齡 齋福行當息 相共送虔誠 流梵逸雲唱 飛香雜烟馨 瓊鳳乘丹輦 金龍駕綠鞵 生死皆快樂 家國悉安寧

太極頌 并釋

道以齋為先 勤行登金闕 故設大法橋 普度諸人物 宿世恩德報 道心超然發 身飛升玄都 七祖咸解脫 右出太極歌
學仙頌 大學仙頌 見釋經儀
學仙行為急 奉戒制清心 虛夷正炁居 仙聖自相尋 若不信法言 胡為樓山林 空洞頌 出靈寶經 同靈寶經

元始開圖敷落五篇高唱空河飛步入玄
神王度命乘虛駕烟禮誦靈華與劫同羊

三塗五苦頌

三才及萬物 倚伏各有終 終始大劫數
福盡天地傾 往反於五道 苦哉更死生

展轉三塗中 去來與福并

大賢慎茲戒 忍世念割情 愚夫不信法

罪痛常自嬰 吾念世無已 今古重告明

若欲度斯禍 皈命太上經

罪福不由他 諒自發爾身 大賢故開口

欲絕諸惡緣 誠念皈兼忘 倚伏待長混

弘道以安世 終當見正真

淫嫉為禍首 誠身之至患 貪養如斯禍

恐必致大殘 知惡而不革 豈是道所安

懷毒日齋直 今我發長嘆

宿命有信然 弱長謂之無 皆欲眼前見

過目即言悠 大賢明道教 慘戚憫頹夫

依依念予苦 勤勤令我憂

人命易消盡 亦猶膏中大 四大暫相遇

五物權時假 盛年當勤學 趣求存吾我

福盡身神散 冥冥地獄下 上聖畏是故
尋道度斯禍

學仙行為急 奉戒制清心 虛夷正无居

仙聖自相尋 若不信法言 胡為棲山林

大賢樂經戒 受之為身寶 就學常苦晚

治身恨不早 比當披幽贖 倏忽年已老

執卷吸兩極 將更死痛惱 吾故及弱齡

素世以學道 右太極真人作出
靈寶本願大成經

釋然燈

下元黃籙簡文靈仙品曰技度罪根成儀十

方各安九燈火合九十燈在都門之外太歲

行年大小墓本命使門然燈隨主人所安多

少每令光明徹照竟夕勿使中滅

右黃籙簡文然燈雖有定數要須量力及

壇席開狹施之勿使妨礙行事及勿汙人

衣冠為佳上元金籙簡文真仙品曰然燈

成儀功德至重上照諸天下照諸地八方

九地並見光明全在侍燈之官勤為司意

每令燈光明徹竟夕不得中滅及半暗半

明令人絕世宜常謹之飛天神人曰學士

不明然燈燒香七祖不得開度長夜之府
九幽之中身無光明考屬太陰帝

杜廣成先生曰禮燈之法出金籙簡文凡修

齋行道以燒香然燈最為急務香者傳香遠

信上感真靈燈者破暗燭幽下開泉夜所以

科云燒香然燈上照諸天福堂下照長夜地

獄苦魂滯魄乘此光明方得解脫既燃燈須

各有法象春九夏三秋七冬五四季十二皆

隨五行本數設之更有諸天諸地八卦九幽

諸燈之位隨金籙簡文中方位羅列燒香禮

祝福德立降災咎自消或以啓齋之夜或三

日七日之中如法然燈落景行道畢出壇至

地戶以讚詠幢節摩序雅步通引眾官弟子

等旋繞燈下依位祝之每祝畢眾官弟子皆

禮禮遍復以空洞聲引歸玄師前散如常儀

只於地戶列班禮祝亦合其法又曰凡修黃

籙當依真文玉訣四時然燈外別然金籙諸

燈依法拜祝訖或三日之內併行之或拜祝

一少皆獲福利幽顯沾息矣或不因齋壇持

然此燈依法拜祝功以等矣崇善之士其弘

之焉

明燈頌

正一陽光炎上朱烟開光童子一十二人
洞照天下及臣等身百邪摧落却鬼萬千
光明朗徹通真達靈升入無形與道自然

右出靈寶上元金籙簡文真仙品然燈威儀

明燈讚

太上散十方 華燈通精誠 諸天亦皆然
諸地悉玄明 我身亦光徹 五臟生華榮
炎景昭太元 遐想繁玉清

丹精寄太无 玄陽空中響 含形滅苦根
幽妙至真想 垂華不現實 因緣示光象

我身亦如之 乘化託流景
夜光表丹陽 迢迢照靈室 諸天普光顯

諸陰即日滅 我神亦聰明 常玩智與慧
道運通道運 遷謝任天勢 舉形躡空洞

夜燭煥流萃 石中洞具觀身大成見
陸天師然燈禮祝成儀

滅燈頌

玄陰閉光長燈續明 太陽已朗八幽開清
燈還太陰光附景生 日月二真與我合并

右出上元金籙簡文真仙品然燈威儀

釋投龍簡

下元黃籙簡文靈仙品曰拔度罪根威儀修
齋都畢當依玉訣投金龍一枚丹書五札青
絲纏之以關靈山升度之信掛於絕巖之中

一依具法又曰關水帝威儀當丹書五札金
龍一枚青絲纏之以簡沉之三江以關水帝
升度之信一依玉訣具文又曰關水帝畢即

以五札金龍金鈕九枚青絲纏之埋於壇所
以告盟地官一如科文玉簡置真科曰修黃

籙寶齋當以上金三兩鑄金龍龍各一兩國
家用上金公侯大臣次金士庶銀銅塗金並

可通用副以簡文北也題修齋所為及國號
太歲月日法師姓名投奠方所投於名山大

洞靈泉龍穴及齋壇或在之中以告盟天地

水三府使監證齋功關者考屬地官九都曹
科曰龍者乘雲乘御陰陽合則成體散則成

章變化不測入地升天故三十六天極陽之
境可以驛傳信命通達靈者其龍乎龍者

也夫天用莫如龍地用莫如龜人用莫如馬是以天上以龍驛騎

往來人間矣金者五金之最堅剛不渝天地

所寶通靈合神故以上金鑄之取法龍形投

之洞府盟三元也洞府真官所司察屬告龍

信簡文錄其善功以表言於上聖感應之報

猶影之隨形修尚之士不可闕也簡者告也

紀也札也紀世之善告於上真法長一尺二

寸象十二辰廣二寸四分法二十四真悉厚

二分法二儀上下正方法日之方景正真通

達無所避讓國家以玉為之玉有九德可以

為植大地神祇之信故用玉為公侯臣庶通

用禮木以其潔白纖緻可比玉矣明事卑之

殊也璧者禮天地山川之寶也以玉為之投

山簡用圓璧一其色蒼徑二寸虛其中山簡
天之信故用者
璧以法天地投水簡用六出之璧其色黑
徑三寸虛其中水簡為九
水官之信故用
正壁木之色六出水之數也

後放之也鈕法國家用金臣鈕徑九分圓
 其外如環之形也修齋畢別卜良日或潔齋
 之辰備饌饌法師家官及齋主弟子或汎舟
 以詣水洞或梯陸以登山門各於洞之外雞
 草掃灑潔淨數列懸席酒果銷饌當鹿脯湯
 茶等國家六十分臣庶二十四分如嚴齋之
 儀乃風服澡漱朝詣法事俗如科式所在地
 司靈官監察將吏當為子關啟洞中仙曹通
 達告齋之簡如此福善立感不得都無關啟
 直爾投於洞中不達其靈及獲罪者矣若山
 水之洞稍速師眾不可俱行難於登泛者當
 選壇內法職一二人與弟子齋簡以詣洞所
 設醮關告投其一如本儀若國家投龍五嶽
 諸山具有金籙科式與此常禮繁省不同矣
 齋官或公私所拘不得躬詣洞府者可精選
 謹虔恪信奉恭勤者一人代往行禮無可代
 者師為關告之又不得藏匿簡文因循持久
 既關告盟之信所在地司錄奏獲罪非細切
 宜謹之

无上黃籙大齋立成儀卷之三十五

无上黃籙大齋立成儀卷之三十六

三綱法師冲霄先生留月先傳授
 太上執法仙士齋啟典重修

修奉應用門

建齋之始投詞頌

渺渺空無象 悠悠感至靈 敬則承天既
 泄則被魔精 吉凶隨運轉 否泰應緣生
 道不貴珠玉 神惟在至誠 丹福盡勤苦
 愆個竭衷情 自然通大道 皆得降真靈
 捨香陳所願 稽首崇嘉貞 天尊常湛寂
 回心禮香冥

啟堂頌

學道當勤苦 啟信運丹誠 燒香歸太上
 真悉雜煙馨 惟祈開大有 七祖離幽冥

三皈依讚

至心歸依

十方道寶當願眾生起心回向一切信禮

至心歸依

十方經寶當願眾生心開悟解受持轉誦

至心歸依

十方師寶當願眾生書上法橋無有障礙

聞經讚

聞經已後 當願眾生 萬罪永消 善芽增長
 聞經已後 當願眾生 深入法門 皈依信受
 聞經已後 當願眾生 永斷執迷 常修至道

道讚

道場眾等人各運心皈命三寶无上尊一切
 念眾官各念功德

請師讚

修齋行道 奉請經師 降臨壇所 藉度文
 隨文

請玄師頌

科律嚴章奏 精誠享百神 投詞陳懇願
 潔齋奉高旻 俯盼垂雲駕 冥心啓上真
 玄師都教主 奉請降凡塵

請天師頌

太上傳符籙 初因遇鶴鳴 積功超玉闕
 列位侍三清 接引章詞奏 克隨凡庶情
 修齋當奉請 願俯鑒精誠

請監齋頌